

藍田縣鄉土志卷壹下冊

陝西省圖書館藏書	
書號	D6 31
登記號	20721 · 2

00832

藍田鄉土志下冊

沿革

縣名



藍田周邑秦置為縣(省志)元和志云美玉為藍縣出美玉故曰
藍田(史記索隱云)因藍田山為名也

按藍田以產玉名其說甚古周禮雍州其利玉石(賈疏)藍田現
有玉山出玉石以為利者也(玉璽譜)秦採藍田水花玉為傳國
璽(漢書地理志)藍田出美玉(三秦記)藍田有水方三十里其
水北流出玉石則藍田以產玉名信非無徵即索隱云以山名要

以山出玉則仍以產玉石耳又按舊志索隱當作正義省志誤未
置縣之前

上古

三皇舊居(括地志)藍田三皇所居(太平寰宇記)藍田三皇舊
居地

華胥國(通鑑輯覽)伏羲帝母居華胥之渚華胥古國(列子)
黃帝夢遊華胥之國其國無師長自然而已矣其民無嗜欲
自然而已矣帝既寤曰今知至道矣治天下二十八年幾若華胥之
國(太平寰宇記)藍田有華胥氏陵

按華胥渚在今縣西北三十里毓聖橋西有碣題黃帝夢遊處
舊志華胥陵在縣西北三十五里

唐虞

隸雍州(竹書紀年)帝堯八十七載初建雍州

周

隸雍州屬畿內地(舊志)

為藍田邑(省志)

襄王秦穆公屬秦地 按舊志沿華表平王秦襄公時屬秦地然

考史記平王元年封襄公以岐西之地二十六年文公伐戎獻岐東

地於王藍田在岐東以襄公時未嘗屬秦也惟水經注秦穆公更
滋水為霸水以顯霸功則知藍田屬於秦者當日穆公矣
置縣以後

安王二十三年秦獻公六年置藍田縣史記六國表秦獻公六年初

置藍田縣

秦

始皇帝二十六年屬內史史記始皇本紀是年置內史

漢

高祖元年屬塞國史記項羽本紀立司馬欣為塞王至咸陽以東至

河漢書地理志藍田屬塞國

二年屬渭南郡漢書地理志是年更秦內史為渭南郡九年屬

內史漢書地理志是年復渭南郡為內史

武帝建元六年屬右內史漢書是年改內史為右內史太初元年

屬京兆尹漢書是年更內史為京兆尹

後漢

光武帝建武二年隸雍州舊志按晉書地理志光武都洛陽關
中仍置雍州當在是年

十五年隸司隸郡國志是年省雍州置司隸

獻帝建安十八年隸雍州(本紀)是年省司隸復禹貢九州

三國魏

隸司隸(晉書地理志)魏復置司隸年無考

文帝黃初二年屬秦國又屬京兆國(通典)魏改京兆郡為秦國

後復為京兆國 按據魏志京兆王禮傳當係是年

少帝正始五年屬京兆郡(本紀)復秦國為京兆郡

晉

武帝太康元年隸司州(地理志)晉以三輔屬雍州

元帝太興二年 趙光初二年 隸司隸(一統志)趙復置司隸校尉

成帝咸和四年 後趙 隸雍州(地理志)石勒復置雍州(一統志)在是年

穆帝 苻秦 隸司隸屬京兆郡(晉志)司隸校尉苻健置年無考

按載記王猛慕容垂皆為京兆尹當與司隸同置

安帝義熙十三年隸雍州屬京兆郡(元和郡縣志)晉置按是

年劉裕滅姚秦關中復屬晉

北魏

世祖神龜三年隸雍州京兆郡(舊志)長安始光元年置按始光

初取長安尋復為夏所據神龜三年乃復之

太平真君七年併藍田縣入塢城縣(地形志)是年併藍田入塢城

高祖太和十一年復置藍田縣(地形志)是年復

孝莊帝置藍田郡(舊志)按韋彪以孝莊時為藍田太守胡三省(通鑑注)後魏置藍田郡關內周咨錄北魏置藍田郡治藍田皆不言置於何年因韋彪在孝莊末故係諸孝莊

北周

孝愍帝置藍田郡(舊志)按通典元和郡縣志諸書皆言周閔帝置藍田郡雖周無謚閔之帝然必有此郡而後諸書志之也或魏代所置而周初因之或西魏已廢而周初復之皆不可考矣

置玉山縣白鹿縣(舊志)按元和郡縣志周閔帝割京兆之藍田縣地置玉山白鹿二縣(太平寰宇記長安志謂是閔帝三年今考北周無閔帝故不係年月今按閔帝即孝愍帝諸書多作閔者蓋傳寫之轉異耳如嘉蓮燕語北周明帝為岐州刺史及閔帝廢迎立之固以孝愍為閔舊志云北周無閔帝殊未確惟孝愍在位僅八月稱三年則諸書誤也

武帝建德二年省藍田郡廢玉山白鹿二縣入藍田移治峽柳城屬京兆郡(舊志)通典元和志寰宇記皆言武帝時惟長安志言建德二年

隋

文帝屬雍州(隋書地理志)

煬帝大業三年隸司隸屬京兆郡(隋書地理志)舊志按是年改州為郡

唐

高祖武德元年屬雍州定藍田為畿縣(舊唐書地理志)是年改京

兆郡為雍州(新唐書地理志)藍田畿縣二年置白鹿縣(新唐書)分藍

田縣置

三年改白鹿縣為宜民縣(新唐書)

置玉山縣(新唐書)又分藍田縣置

太宗貞觀元年隸關內道廢宜民玉山二縣併入藍田縣(舊唐書)

地理志

武后天授元年屬京兆郡又屬雍州(舊唐書地理志)是年改雍

州為京兆郡又復為雍州

元宗開元元年屬京兆府(舊唐書)是年改雍州為京兆府

後梁

太祖屬雍州(本紀)

又屬大安府長安志改京兆府為大安府

後唐

莊宗同光元年屬京兆府(長安志)

宋

太宗至道二年隸陝西路定藍田為次畿縣(宋史地理志)

神宗熙寧五年隸永興軍路(元豐九域志)

徽宗大觀元年屬大督府(宋史地理志)

金

熙宗皇統二年隸京兆府路屬京兆總管府(金史地理志)

元

世祖中統三年隸陝西四川行省定藍田為下縣(地理志)

至元七年隸四川陝西行尚書省(長安志圖)

十六年屬安西路(地理志)改京兆為安西路

十七年隸陝西四川行中書省(長安志圖)

二十三年隸陝西等處行中書省(長安志圖)

仁宗皇慶元年屬奉元路(地理志)改安西為奉元路

明

太祖洪武二年屬西安府(明史地理志)改奉元路為西安府

清

順治元年隸陝西左布政使司屬西安府定藍田為簡缺縣(一統志)

雍正三年隸陝西布政使司(舊志)按是年始改左布政使司為陝西布政使司

乾隆西十六年分縣西南境入孝義廳(舊志)奏檔

按縣之所統曰府或州府之所統曰省于古省則有為州為道為路者府則有為郡為州者兼之郡州大小時復互異上下管轄殊難驟驟茲於述沿革中略為一例凡對於縣之所統皆曰屬凡言屬者視此凡對於府之所統皆曰隸凡言隸者視此觀覽之際或易省識歟爰附誌于末

紀事

上古

上古時有仙虹流於華胥之渚宓戲肇孕(荒史)

周

平王東遷後白鹿遊於西原(通鑑前編)

秦襄公天狗來下有賊則吠一堡無患(水經注)

秦穆公更名滋水為灃水(水經注)

秦獻公十七年命子向為藍田君(水經注引竹書紀年)

秦孝公有芷陽縣地(舊志)史記秦本紀悼太子葬芷陽正義曰

在藍田縣是今藍田縣有秦芷陽縣故地惟芷陽置縣不可考秦孝公十二年取小邑為三十一縣芷陽縣或亦置於此時故附孝公下存疑

置虎候山祠(漢書地理志注)

秦莊襄王以呂不韋為丞相封文信侯食藍田十縣(戰國策)

漢

文帝三年秋大雨晝夜不絕三十五日藍水山水出流九百餘家渰壞民室八千餘所殺三百餘人(漢書五行志)

景帝四年臨江王榮自殺葬藍田燕數萬為街土置塚上(五宗世家)

武帝建元三年起上林苑(武帝本紀)

元帝建昭四年藍田沙石壅壩水(元帝本紀)

晉

惠帝永興元年封王承為藍田侯(晉書王湛傳)

按承傳子述孫坦之在南渡後仍舊封世稱王藍田

又按承永興初豫迎大駕賜爵舊志

以不知何時封附桓温代秦愍帝

關中大饑藍田山出竹米人皆以療飢

下今更正

北魏

藍田侯長孫肥(魏書本傳)代人以功賜爵瑯琊公後降為藍田侯置青泥軍於峽柳城內(水經注)

明元帝太常八年二月進藍田公長孫翰爵為平陽王(魏書本紀)
高祖有塢城縣地(舊志)按地形志塢城有溫泉皆在今藍田縣境
有山北縣地(舊志)按地形志山北縣有風涼原苦谷皆在今藍田縣地
節閔帝封薛孝通為藍田縣子(北史)孝莊崩孝通定策立節閔帝
首建大議封藍田縣子

封于謹藍田縣公邑一千戶(周書本傳)

封趙善山北縣伯邑五百戶(周書本傳)

赫連達進爵藍田郡公(周書本傳)

孝武帝永熙二年封王子直山北縣男邑二百戶(周書)

西魏

文帝大統二年封王悅藍田縣伯邑六百戶又進封山北縣公(周書)

北周

明帝移嶢關於青泥故城側改曰青泥關(太平寰宇記)

武帝建德二年改青泥關曰藍田關(太平寰宇記)

賜韋孝寬爵山北縣男(本傳)

隋

文帝改塢水曰滋水(隋書)

煬帝大業元年徙嶢關舊所(省志)

唐

元宗開大昌開通石門軌道(方輿紀要引唐史)天寶中崔湜言山南可引丹水通漕至商州自商鏹山出石門北抵藍田可通軌道以湜充使開大昌關役徒數萬竟不能通按崔湜開元初以附太平公主誅方輿紀要引唐史云天寶中疑有誤通志云大昌關唐景龍中崔湜開似得之石門谷即今湯峪

德宗貞元七年開倒迴谷(通鑑輯覽)刺史李西華以七盤山路險峻開新道七百里回山取途故有倒迴之名

憲宗元和八年十月丙申大雪人有凍路者雀鼠多死(本紀)

宋

僖宗乾符六年藍田山裂出水(本紀)

真宗祥符五年六月藍田嘉禾生(宋史五行志)

金

熙宗皇統二年六月壩澆皆竭(宋史)

宣宗貞祐元年置秦藍守御總師(完顏仲德傳)

明

憲宗成化二十一年大饑人相食(明史五行志)

世宗嘉靖七年八月十六日大火燒民房五十餘間(舊志)

十一年大疫人相食(舊志)

三十四年大疫秦嶺竹開花結子人取以充飢(舊志)

十二月十三日地震房解傾倒壓斃男婦無數震至次年正月始止
(舊志)

神宗萬曆二十七年御馬監丞梁永徵收名馬貨物稅監於稅額外
增耗數倍藍田等七關歲得千萬(宦官傳)

四十一年八月初二日三里河水溢漂毀居民甚多(舊志)

四十三年蟋蟀食禾殆盡(舊志)

四十四年六月十六日飛蝗蔽天知縣沈國華禱而捕之翌日大雨蝗

多死

莊烈帝崇禎十四年大饑米六合值銀一錢(舊志)

清

順治十四年六月飛蝗食禾(舊志)

道光十五年六月山水暴發漂沒馮家寨林家寨等村民舍數百
間淹斃男女八百餘人(舊志)

十六年春大饑斗米值錢千四百文(舊志)

二十六年大旱禾苗枯死(舊志)

二十八年大有年麥畝二石餘(舊志)

咸豐八年蝗自東境飛過蔽日食禾皆盡(舊志)

同治三年大疫二月至七月死者無數(舊志)

三年饑斗米值錢三千文(舊志)

七年饑斗米值錢六千文(舊志)

十一年大疫百里內牛畜殆盡至冬始息

光緒三年大饑斗米值錢六千餘男女死者無數採訪

十六年八月疫人畜死者甚衆(採訪)

十八年夏旱

二十六年大饑斗米值錢六七千文饑死甚衆

慈駕駐蹕西安賑藍田饑民(採訪)發銀千兩民賴以全活

二十七年夏饑大疫(採訪)時連村比屋病者相望

三十三年有年麥畝石餘採訪

兵事

周赧王三年 秦昭襄王十三年

楚襲秦戰於藍田大敗(史記楚世家)懷王三十七年悉國兵襲秦戰於藍田大敗(西漢叢語)懷王忿張儀之詐發兵攻秦敗于藍田是也

秦二世三年秋

沛公擊峽關破之大敗秦軍於藍田(漢書高祖本紀)沛公攻武關入秦秦相趙高遣將將兵距峽關沛公欲擊之張良云秦兵尚彊未可輕顧先遣人益張旗幟於山上為疑兵使鄼食其陸賈往說秦

將啗以利秦將果欲連和沛公欲許之張良曰此獨其將欲叛耳恐士卒未必從不如因其急而擊之沛公遂行兵繞峽關踰黃山擊秦軍大破之藍田南遂至藍田又戰其北秦軍大敗

漢景帝三年

太尉周亞夫擊吳楚走藍田出武關(周亞夫傳)亞夫東征至壩上趙涉遮說曰兵貴神密將軍何不右去走藍田出武關抵洛陽諸侯聞之以為天下上將軍也亞夫從之大破吳楚軍淮陽王更始元年藍田王孟起兵討莽(通鑑綱目)三輔大姓各起兵稱漢將藍田王孟之屬衆皆數年

後漢光武帝建武二年

鄧禹擊延岑於藍田不克(後漢書鄧禹傳)

三年夏

延岑據藍田馮異擊走之(馮異傳)延岑據藍田引張邯任良共攻異異擊破之岑遂自武關走南陽

獻帝建安十七年秋七月

馬超餘衆梁興屯藍田夏侯淵擊平之(魏志武帝本紀)

晉惠帝太安二年

劉沉討張昌至藍田河間王逼奪其衆(晉書)劉沉傳沉字道真初

為河間王軍司後領雍州刺史張昌作亂詔河間王遣沉將州兵
萬人之西府五千人自藍田關討之河間王不奉詔沉自領州兵至
藍田河間王又逼奪其衆

光熙元年

冠軍將軍南陽太守僂允從藍田出武關僂允傳允與兄播同入
關大駕東還東海王越以允為冠軍將軍南陽太守允從藍田
出武關之南陽 按傳稱大駕東還此指東海王越自長安奉帝
東還事在光熙元年(舊志)此條係愍帝時誤今更正

懷帝永嘉五年

閔鼎奉秦王業西至藍田(閔鼎傳)付暢遺閔鼎書勸奉秦王
經據關中鼎得書便欲詣洛人謂北道近河懼有抄截欲南自
武關向長安鼎遂奉秦王業西行至藍田遣人告賈疋疋遣兵
迎入於雍州城

穆帝永和十年春二月

桓温伐秦別將進擊青泥破之(通鑑)温統步騎四萬發江陵別將攻
上洛進擊青泥破之(省志)京兆太守薛珍擊青泥破之

夏四月温及秦戰于藍田大敗之至塢上五月又戰於白鹿原不利六
月師還(桓温傳)苻健遣子生弟雄率衆數萬屯峽柳愁思墩以拒

溫遂大戰生親陷陣殺溫將應誕劉宏溫軍力戰生衆散雄與將軍桓冲戰於白鹿原為冲所破溫進至塢上健深溝自固居人持牛酒迎溫者十八九耆老感泣曰不圖今日復見官軍前秦載記五月健別使雄領騎七千與桓溫戰於白鹿原王師不利初溫指秦麥為糧健聞溫之來清野侍之溫軍乏食遂徙關中三千餘戶而歸通鑑王猛謁溫於軍門溫問猛曰吾奉天子命仗義討逆為百姓除殘賊而三秦豪傑未有至者何也猛曰咫尺長安而不渡壩水百姓未見公心故也溫欲與猛俱南猛不答

安帝義熙十一年秋

後秦宏始八年

楊武安鄉侯康宦驅略白鹿原氏胡數百家奔上洛太守宋林拒之（後秦載記）

十二年

將軍沈田子等敗秦師於青泥進據藍田關中郡縣多送款於田子宋書序傳將軍沈田子與順陽太守付宏之各領別軍從武關屯據青泥姚泓率數萬軍奄至田子所領截數百欲擊之付宏之曰彼衆我寡難與敵田子曰師貴用奇不必在衆遂獨率所領奮擊所向摧陷衆潰散（付宏之傳）偽秦上洛太守脫走進據藍田招懷戎晉（十六國春秋）裕以田子衆少遣沈林子將兵自秦嶺往助至則已破相

與進之關中郡縣多潛送款於田子

十三年冬閏月

勃勃遣王買德斷青泥路(夏載紀)勃勃召王買德問取長安策買德曰青泥上洛南師之要衝宜置游兵斷其去來之路勃勃善之以買德為撫軍右長史南斷青泥

十四年冬十一月

勃勃敗王師於青泥獲付宏之蒯恩毛脩之王賜(夏載紀)

勃勃入長安瑣率眾三萬進擊義真王師敗績王買德獲寔

朔將軍付宏之輔國將軍蒯恩義真司馬毛脩之於青泥(宋書)

朱伶石傳賊近至輔國將軍蒯恩斷後不能禁至青泥後軍大敗諸將及府功曹王賜悉被俘虜

北魏孝明帝孝昌三年

蕭寶寅遣兵趨青泥誘動巴人圖上洛泉介潛掩襲寶寅軍乃退(周書泉介傳)

西魏文帝大統三年

東魏高敖曹克上洛欲入藍田關不克(北史高昂傳)

恭帝三年

于謹率眾伐梁宇文泰餞於青泥谷(周書于謹傳)

隋煬帝大業十三年秋八月

左親衛段倫娶李淵女聚徒藍田得萬餘人遣使迎李淵(通鑑綱目)
九月李淵濟河屈突通自武關趨藍田以援長安(唐書屈突通傳)
按舊志此條係唐武德元年誤今更正

堯君素將自武關趨藍田阻劉文清軍遂不得進(屈突通傳)
唐高祖武德五年秋

李子通已走藍田為關吏所獲(通鑑)按此條舊志係武德四年誤
今更正

元宗天寶十五年夏四月

統王巨引兵出藍田(通鑑輯覽)賊圍南陽張洎薦巨有勇畧以
巨為河南節度使巨引兵出藍田賊解圍走

肅宗至德二載秋

僕固懷恩引回紇西域之兵自京城南過營於滻水之東(通鑑綱目)
代宗廣德元年冬十月

光祿卿殷仲卿率千人壁藍田(吐蕃傳)仲卿壁藍田選二百騎渡
滻或給虜曰郭令公且來虜驚

副元帥郭子儀俠羽林文將軍長孫全諸將兵出藍田(吐蕃傳)
全諸營韓公堆盡則擊鼓張旗幟夜則多燃火以疑虜(吐蕃傳)

德宗建中四年冬十一月

神策兵馬使尚可孤入援取藍田通鑑可孤將三千人在襄陽自武關入援軍於七盤敗泚將仇敬忠遂取藍田

興元元年夏五月

尚可孤敗賊於藍田(尚可孤傳仇敬忠復來寇可孤率兵擊斬之遂進軍會圍長安)

僖宗中和三年春三月

巢發兵搃藍田道(黃巢傳巢數戰不利陰有遁謀即發兵三萬搃藍田道)

夏四月巢走藍田尋出藍田關(五代史梁本紀)諸鎮兵破巢復京師巢走藍田是歲巢出藍田關陷蔡州

昭宗乾寧二年秋七月

帝如石門鎮次聖壽寺督王建顧彥暉赴行在八月至石門(通鑑輯覽)李克用大舉南下上表稱王行瑜李茂貞韓遵稱兵犯闕賊害大臣請討之行瑜等大懼行瑜弟行約行密茂貞假子繼鵬作亂上幸李筠營自衛甲子幸石門鎮克用移營渭橋遣子存貞奉表請車駕還京師從之辛亥至石門石門鎮通鑑輯覽)今日石門谷在西安府藍田縣西南質實以為在瀋化又以

為在靜窳皆非糾謬以為在洛陽尤誤冊府元龜上次石門鎮之
聖壽寺(顧彥暉傳)昭宗在石門督王建及彥暉赴行在 按次聖
壽寺督王建彥暉二條(舊志)係至自石門後似誤今改輯

宋高宗紹興元年

李忠冠金州官軍迎戰大敗之進襲至秦嶺(宋史玉彥傳)

金宣宗貞祐三年

潼關失守阿魯帶趨備藍田(金史必藍阿魯帶傳)

哀宗正大八年

完顏陳和尚大敗蒙古蘇布特于倒回谷(通鑑輯覽)倒回谷在

西安府藍田縣 按今即倒溝峪

鷹揚都尉大婁寶運兵器至白鹿原遇蒙古兵力戰死之(完顏
婁寶傳)

十月秦藍總帥府經歷官商衡招集潰軍(商衡傳)

天興元年

仲德提孤軍千人歷秦藍擷果菜為食(完顏仲德傳)

元順帝至正十七年春

紅巾賊奪七盤進據藍田(元史王思誠傳)

十八年春二月

賊犯七盤藍田(順帝本紀)

二十一年夏四月

以張良弼為陝西行省參政引兵駐藍田(通鑑)

二十二年夏五月

據廓帖木兒部將歹驢等駐兵藍田七盤山(通志)

明太祖洪武三年

大兵至藍田(舊志列傳)李誼因亂隱玉山是年常開平王兵至遇誼薦為國子學錄

莊烈帝崇禎七年夏五月

流寇初犯藍田自白鹿原至縣(舊志)

羣盜東走輜峪(紀事本末)五月別賊深入大峪羣盜畢集洪承疇會師進逐之遂東走輜峪川復入大山遠竄

秋七月洪承疇至藍田賊走商洛(紀事本末)承疇馳至藍田舊志云駐

紮月餘兵荒交至人不堪命

欲從山後間道剿之丙午賊覘知官軍意夜走商洛

八年秋七月

張獻忠復由藍田走盧氏(通鑑綱目)

十年春正月

督師兵至藍田叛(舊志)督師孫傳庭發兵至藍田忽謀變反據

城縣署及察院城樓民間房屋燒燬無算

河南賊馬進忠等復擾藍田叛卒與之合(孫傳庭傳)

十七年

李自成陷藍田(舊志)

清順治二年

李自成兵潰走藍田(舊志)

三年

肅親王大兵過藍田(舊志)

五年

杆賊盤踞大谷山出沒無常擾縣境(舊志)

六年春三月

鄉兵征杆賊敗績四月叛尋討平之(舊志)

嘉慶元年

教匪擾藍田鄉兵禦之敗(舊志)三省教匪出劉峪燒穆家堰大小寨等村又出湯峪燒候官寨等村鄉勇陣亡數百人

二年

欽差大臣恒齡提督楊遇春率師至境駐營城南進剿賊遁入山

(舊志)

三年

教匪李全擾藍田額勒登保截擊之尋又敗高均德於兩岔河
日(先正事略)

同治元年夏四月

粵匪擾藍田(採訪)粵匪偽起王馬融和扶王陳得才率衆自河南
入商洛出大峪至尹家衛四月二十日遂東入縣境擄殺極慘二十二日
東北出猴子鎮竄陷渭南縣城

秋七月回匪初犯藍田縣境回民叛從之遁(採訪)五月同華回匪大起是
月十二日潛至縣境西寨大梁黑溝草坪嘴頭等村回民一時並叛與之

合燒掠遁去

八月回匪擾縣西北境(採訪)時西安回勢大熾屢南竄擾藍境八月初
一日燒新街鎮三十日燒洩湖鎮等村游騎叩城下焚殺無虛日慘不
可言

漢中鎮總兵雷正綰率兵出七盤駐城南火燒寨尋進城(採訪)雷為
多忠勇公先鋒八月初二至縣十五進省

二年春正月

東南鄉民圍追回匪敗績(採訪)回匪起民結團謀保衛東南鄉團幾萬
人勢甚張輕賊倡追剿正月十九日進至城北十里河東日晡賊飽掠

已颺去餘數十騎見圍衆回笑之衆大潰走賊追殺數里死者四百餘人
三月回匪犯縣城總兵陳德隆禦却之(採訪)回匪懾東南鄉圍勢十里河之役遂無復忌謀踞縣城斷七盤道是月十九日黎明大股至城下燒西關南關撲城適總兵陳德隆新招楚勇先夜至駐南關遂出隊禦之賊不意有兵戰甫交氣甚阻殺傷略相當遂巡遁去是後賊不敢復犯城迨四月多忠勇公剿破同州西安各賊巢回匪西遁縣境少安
五年冬十一月

擒匪張總愚獲藍田(採訪)擒匪由河南敗竄華州踞伏月餘襄陽日衆是月西竄臨潼初十入藍境散據北鄉自紅河東至十里鋪四出

焚殺二十六日從據東鄉自東嶽廟河東至許家廟焚殺更慘十二

月初二日賊自埃子鎮北竄渭南

蕭軍何軍尾賊至藍田(採訪)統兵官蕭姓何姓二人有祠在省城東十里鋪尾賊後

駐縣時方遭賊又重以兵役民鮮生氣不勝賊梳兵篋之嘆後賊竄渭兵亦尾去旋覆於渥橋之西賊勢愈熾統兵官黃姓何姓兵出七盤遇賊接仗(採訪)十一月十九日黃何二軍出七盤時賊方屯縣北游

騎掠縣南邀兵城南帝君廟前遂戰兵傷亡十九人

劉厚基率兵出劉峪遇賊接仗(採訪)十一月二十一日劉軍出劉峪賊襲其後劉厚基跳而免夜至縣內

六年

統兵官黃姓何姓即上年過去者以撫標兵駐防藍田(採訪)

七月幫辦軍務劉典兵至藍田(採訪)劉軍駐縣城東張家庄孫家庄
等處九月進省

九月提督高姓兵至藍田(採訪)時劉軍方去高軍即至又住月餘
民不勝困蓋時方募楚勇定西亂軍過者悉走藍田直至光緒初
絡繹不斷故數年縣雖無賊擾而民間於兵荒仍未遽得蘇息焉
光緒

撫標左營駐防藍田(採訪)西征軍需後遣散各營沿途滋事故撫
左駐縣防護紫縣內及南關七盤故藍橋等處初至營官左成富
次為遊擊陳端誼

二十一年

撫標左營撤省(採訪)時甘肅河州回匪起左營撤省防守

政績

興利

唐

顏杲(唐地理志)武德六年甯氏令顏杲引南山水入京城中按武德二年分置白鹿縣明年更曰甯氏又折置玉山縣貞觀元年皆省舊志作三年誤其令長俱無聞惟蘇世長傳有武德中授玉山屯蔚一事而已

韋倫(唐書)系本京兆瑤調藍田尉幹力勤濟士民頌德

柳宗元(唐書)字子厚河東人登進士第應舉宏詞授校書郎調

藍田尉元和十年由永州司馬移柳州刺史世號柳柳州有文集
行世人名宦祠

崔斯立字立之(韓昌黎藍田縣丞廳壁記)元和初以前大理評事
言得失黜官再轉為丞茲邑丞廳故有記壞漏語不可讀斯立易楠
與瓦墁治壁悉書前任人氏庭有老槐四行南牆鉅竹千挺儼立君
相持水瀧瀧循除鳴斯立痛掃瀧對樹二松日哦其間今廳有哦松
舊治坊蓋本此

又按全唐詩崔立之字斯立博陵人

宋

袁端(府志)字廷芝濟南人嘉祐八年以殿中丞宰藍田植桑課糶
增修常平義倉藥局館舍重修孔子廟有碑見金石

張德直(中州集)字伯直平陽人貞祐三年進士釋褐新平簿辟
藍田令清慎才敏秩滿父老詣行臺留再任及去之日為立生祠終
于同知武勝軍節度使事

王獵(宋史)字得之長垣人曉兵法屢歷中范仲淹薦為藍田主
簿府使之掌學尋遷林慮令入名宦祠

元

雷學(善志)字從仕至大四年為藍田尹政簡刑清有書修縣廳記

俺都(舊志)字成之燕山人至正五年為藍田達魯花赤薄刑輕徭敬老興學不期月而政成

明

樓連(舊志)字仕連浙金華人洪武中以儒士召歷宣寧仁壽主簿改知藍田知縣時邑事草創規制未定乃建修廟學豎立卧碑後擢廣東道監察御史建文嗣任以文學入為翰林侍讀經筵講官靖難兵入京命方孝儒草詔拒之改連草之固辭歸自縊死後台臣請錄入卹典入邑名宦祠

任文獻(舊志)山東剡城舉人宏治六年由監察御史改任與邑人榮察纂修縣志有藍田八景詩

王科(舊志)字晉卿河南涉縣人正德十一年進士嘉靖元年任勸農業振興學校扶弱鋤強風俗丕變城隘無水導西山水入城毀淫祠凡城郭官署廟宇多方築修規模煥然升工科給事入祀名宦祠北關又立有專祠邑民歲時致祭

韓瓚(舊志)山西絳州人嘉靖四年由教諭升任勤政愛民清操自勵人不能浼以利行政專以利民為務後升漢中府入名宦祠翟清(舊志)直隸大名入嘉靖十一年由高陵縣改任慈祥愷悌士民德之

張洸(舊志)山東鄒縣監生嘉靖十七年由縣丞升任廉介自持
不受私謁其子弟亦能甘澹泊雖一蔬不私取行戶會審編差徭
計算甚均即老胥滑吏莫能售其奸解綬之日琴劍而歸其三代
下廉吏哉

楊紹先(舊志)山西高平孝廉嘉靖三十二年任崇尚學校寬卹里
甲士民愛戴

何思(舊志)四川儀隴監生萬曆四年任剛方自為始建賓賓館

楊培(舊志)山西解州孝廉萬曆十四年任清介自守愛民如子積
倉廩賑貧之士民德之

王邦才(舊志)河南盧氏孝廉萬曆二十七年任精明練達頗裕
才幹拓闢帝廟新四呂祠創子城改官道砌泮池建縣前坊植
城池以柳境內煥然一新至於社學社倉鄉社厲壇義塚諸事歲久
傾圮者一一修復士民至今稱頌但惜審編墮總書之計逐糧坐了
貽藍民害後升濟南府同知分守遼東歷官主事

又按紀事本末云邦才以萬曆三十五年任藍田知縣發奸剔蠹與稅
監梁永相左為水誣遠

梁一道(舊志)山西稷山孝廉萬曆三十六年任孝以事親慈以待
民百姓化之皆知行孝且毀淫祠崇正義躬親士學校大興當途屢

有薦剡尋以疾卒民立祠于南園而尸祝焉

沈國華(舊志)山西潞安孝廉萬曆四十一年任蒞政精明聽斷如

流公暇即延儒論文于北門外建文會館諸士饌具悉出俸資模摩

誥輞川圖刻石行世重修縣志四卷并撫寧州知州

雷鳴時(舊志)四川選貢崇禎初年任因時流寇出沒無常北城積

陰易頽甃以甃至今猶稱公力焉并商州知州

楊明楨(舊志)山西偏關孝廉崇禎十四年任慈良易直民感德之

清

楊行健(舊志)直隸新支進士順治七年任修北門子城

顧其言(舊志)字介石海南上海人前明崇禎庚辰進士順治八年署

篆清慎自矢釐剔宿弊錢穀詳明敦崇學校暇則登山涉水修補

風土建文峯於天馬山工未竣以艱歸

蘇就大(舊志)直隸交河歲貢順治十年由教諭升任修學宮濬水

道復鎮集補津梁易直子諒頌聲徧四野在任五年致仕去士民卧

轅留之立生祠于金山界豎德政碑于署西入名宦祠

郭顯賢(舊志)浙江寧海人由順治乙卯明經補太邱丞轉東牟參

軍十六年升任藍田知縣公廉視事豈弟作人肅積吏葺嚴城開

水道建文峯久疲之邑百廢俱興矣

趙人鑑(舊志)直隸涇縣進士革奸除弊整肅里衛賦役民到于今受其益焉

鄧士英(舊志)江南如皋例監均平閭里崇尚學校創義學置學田建魁星樓於南城隅以艱歸民立生思碑

林世榕(舊志)廣東澄海舉人居心仁厚政寬刑清重修四呂祠添建韓柳祠

又按通志林世榕康熙十年任藍田時值兵燹後民多失業公始集流亡散給牛種農務與田野闢尤慎于獄獄悵矜德疑多所原宥解沮之日圖書外無長物云

張澂(舊志)直隸景州進士才識明敏愛惜民滋憲移修文廟一時文風丕振以艱歸

李元昇(舊志)字東臬直隸新豐舉人慈廉勤慎表節孝舉鄉飲慕邑志久曠之典一時俱興修倉廩先農壇節孝祠及辦理軍需捐廉俸梘注里衛無擾調署高陵縣潔己愛民頌聲遍野兩邑之民爭於境上迨解篆歸士民卧轍攀留哭送數十里

丁鵬(舊志)監生由鎮安調署事不擾民而百廢俱興民立去思碑岳濬(舊志)廕生由西安同知調署溫恭爾雅政簡刑清歷官至

阮曙(舊志)江南江甯舉人乾隆四十年任創建玉山書院

徐雙桂(舊志)漢軍正黃旗舉人嘉慶四年任蒞政勤敏辦理軍需節省里甲冗費練鄉勇立堡寨賊匪不能滋擾民稱利焉

胡元瑛(採訪)字筱碧江西新建舉人道光十四年到任精勤幹濟學識淹通勇於任事嘉慶初教匪猖獗巢窟南山官軍搜剿蓋當其衝瘡痍弗克猝復兼自道光以來無久任斯上者以故諸舉隳廢公咨耆老詢芻蕘補苴振作不逞自逸俱擴張而鼎新之一年賑水災二年捕蝗蝻三年籌義倉四年修城郭又纂修邑志輞川志改築北路驛道引土膠河水入城重摹輞川圖刻行於世

百廢俱興境內煥然一新至今猶頌公力焉二十年調補涇陽

呂懋勳(採訪)號勅民江蘇陽湖人同治八年到任勤政愛民諸務必舉修文廟建書院葺倉廩於省城內叔設鄉試會館兼為邑民完納本色倉糧旅宿之所在任八年善政極多士民至今稱頌不衰

周之濟(採訪)號侶宣廣西蒼梧人光緒乙酉朝選二十五年到任公性慈厚明學術敬禮士紳與民休息適庚子歲大祲公步往錫水洞禱雨跋涉百四十餘里返未至城數里天忽大雨民稱其至誠感神嗣辦賑躬親經理勤明平允今沾甚眾值朝廷停科舉立學堂一切經營創造購書置器延師籌費悉經久計二十九年告歸去任之日士

民攀留祖餞四十餘里絡繹如續公泣民亦泣留懸遺愛靴於邑署
儀門外頌聲遍野四五年如一日矣

去害

晉

張輔(晉書)字世偉南陽西鄂人漢河間相衡之後幼有氣局與
從母光劉喬齊名初補藍田令不可豪強所屈時彊弩將軍龐
宗西州大姓護軍張竣宗婦族也僮僕放縱為百姓害輔繩之以法
殺其二奴又奪宗田二百餘頃以給貧戶一縣稱之

唐

崔縱(唐書)博陵安平人由協律郎立遷監察御史令詔擇令長
授藍田令德化大興積弊廓清邑人立碑頌德任終大常卿封常
山縣公謚曰忠

明

陳一夔(舊志)河南光州選貢萬曆三十年任節省里甲制伏
強梁百姓立祠于南關歲時享祀

李景登(舊志)遼東廣寧州進士萬曆二十四年任修己愛民加意
學校時礦稅織造並行縱求無已民不堪苦奸民預賂宦擋左右
營幹票帖征取則以一索十包納則以十准一申文罷征民得息肩又

創建尊經閣後升漢中府知府

清

王廷用(舊志)遼海人順治六年由華州知州代篆時鄉兵譟變後民以恟恟更兼杆賊盤踞山谷窺伺城垣蓋民不安衽席公鼓勵人必以多方設備每夜周城巡視衣不解帶者四十餘日卒安堵無事俞廷樟(舊志)浙江人嘉慶二年時任商洛軍需旁午供億如雲事兼理而民不擾比賊竄入境設卡房練鄉勇賊望風遠遁民賴以安

邵琨(舊志)號篠林浙江烏程舉人嘉慶十五年到任居心仁厚惜民愛士衛糧舊多詭寄隱匿諸弊公詳請清釐賦無逋累立總局以省差徭添膏火以宏作養士民賴之

劉達泉(舊志)號森生江西奉新人道光二十四年到任操守高潔優禮士儒政簡刑清盜賊屏跡籌添書院生息商本建立棲流所收養流遣犯民脫累擾下至婦孺謳思頌德至今因替去任之日邑民留懸遺愛靴於邑署儀門外

方奎炯(舊志)號昭甫安徽桐城進士道光三十年到任品端學粹豁達有度痛切民隱接士儒以禮咸豐初徵調西北兵南剿粵匪道出藍田兵差絡繹強奪勒索稍不如意即執兵鼓噪毀

逐里民公每以身護衛正言勵色與統兵官侃諤辨論悍將多
屈服焉驕卒有過犯者立繩以法嗣後征兵入境無敢滋事民賴
以安至今猶稱頌焉

唐

薛納(唐書)絳州龍門人仁貴子也起家城門郎遷藍田令富人
倪氏訟息錢於肅台中來俊臣受賕發義倉粟數千斛償之納
曰義倉本備水旱安可絕衆人之養私一家報上不與會俊臣得罪
遂止累官至朔方行軍大統管贈太常卿謚曰昭定

李程(唐書)字辰臣襄邑恭王神符五世孫擢進士宏詞賦日五色
造語警拔士流推之調藍田尉縣有滯獄十年程單言輒判京兆
殿最遷監御史後授翰林學士時號八軌學士官至宰相入名宦祠
元

荆茂(舊志)字仲昌覃懷人至正三年為藍田尹興利除弊愛民以
誠有昆弟爭水利茂諭以產業容易得骨肉不可疏二人叩謝和讓
焉入名宦祠

明

張雲霄(舊志)河南偃師人宏治時由孝廉任明教善斷每盈案積
牘頃刻而決時人深服其才

呂好古(舊志)山西遼州人嘉靖二十七年以孝廉任守如冰霜問民
利病悉與處分聽訟不事刑威得其情則哀矜不已至懲強抑暴
不復少悲自此奸猾屏迹當道嘉之每委盤查凡外郡邊陲皆所周
歷去之日百姓肖像尸稅焉

齊塘(舊志)山西榆次孝廉萬曆六年任明察果斷胥吏懾服升
工部主事

清

周松曉(舊志)江西鄱陽人乾隆壬辰進士四十三年補邑令築石堤
禦灑洪漲邑多怪風建風神廟禱之患遂息遇災稔捐廉俸賑

濟南山內多江楚開墾流寓常訛一無籍流民設法鈎捕護渠魁數
十人悉置于法渭南回民械閉幾變本檄馳訊僅截首惡其折獄明
決多類此至若禁換號馬清查地糧創魁星樓以培文風善政極多
士民至今稱之道光十八年入名宦祠

馬學錫(舊志)直隸遷安人乾隆癸丑進士五十九年到任接士紳以禮
詳詢地方利弊語不及私人亦無敢十以私者邑有薛家河等渠屢興
訟躬親履勘設法修濬數月渠成謀農桑勤聽斷建義倉閭邑釀
金數十擬建生祠公諭以干禁以金歸書院調任之日士民渡道攀留
及嘉慶二年楚匪寇商維調辦軍需供支無誤而民不擾距今八十

餘年士民猶稱道不衰道光十八年入名宦祠

